

明成祖寫經

御製真實名經序

蓋聞真實名經者是諸如來  
超出有壞智身極顯密微妙  
正覺菩提其義深廣猶如意  
大寶珠寶中寶勝故能利益  
有情增長福慧超離塵垢脫  
除過愆消弭煩惱解釋魔障  
令彼一切清淨圓滿即登彼  
岸普曼殊室利弘大慈悲發

方便敷場具旨拯後輪迴以  
此饒益功德無際朕惟如來  
施教但欲使人為善夫為善  
者為臣為忠為子為孝忠臣  
孝子行一事而不欺以忘君  
出一言而惟恐以辱親盡心  
於夙夜而毫髮之欺蔽不敢  
以萌於心鞠躬於朝夕而頃  
刻之奉承不敢以違於志心  
惟一於善而無纖芥之惡若

是者則何有於懋志煩惱但  
為不善之人不忠於君不孝  
於親悖理傷道積懋惡所  
謂業報六於此人乎施如仰  
面唾嚏反見自汗背拳搏擊  
反見自傷觸犯憲條身入狴  
犴即為地獄如茲果報不爽  
絲忽若此輩流素蘊不忠不  
孝之心一旦苟能改悟移不  
忠以為忠移不孝以為孝去

弘垂愍念推廣慈仁故以是  
經功德與之懺悔猶熱濯寒  
泉頓得清涼飢飡香積頓能  
成飽貧窮卑賤即得高勝年  
齡不永皆得長壽諸種善根  
圓滿具足若當露居而忽成  
樓宇若涉波濤而忽遇舟航  
如蓮花之出水不染淤泥如  
鷗鵬之運遊逍遙雲漢凡脩

善之士欲求佛道堅持禁戒  
精進不已能究竟是經求真  
實顯密奧義即得五眼清淨  
六識皆空自然超萬有而無  
心含萬物而恒寂廓清塵習  
妙踐真如是用光闡大猷敷  
贊玄化彰迷頓旨以翼流通  
致力於斯者宜盡心焉





聖妙吉祥真實名經

聖者文殊師利發菩提心願文  
敬禮一切諸佛菩薩

救護一切而前住 究竟發於菩提心

一切有情作利益 輪迴有情至彼岸

癡心瞋心本自性 慳貪貢高本自性

始從今日至菩提 未證中間不復造

惡業貪瞋皆捨離 制學依行恒歡喜

隨喜正覺解所行 自己恒時所脩善



願常恒遊佛淨土

某甲執名所作罪

十方界中普皆聞

自己身語之惡業

於一切處恒清淨

意中惡業亦清淨

無邊惡業不復造

聖者文殊師利往昔為啞馬國王時於

雷音王佛處發此菩提心願文

梵云阿耶曼祖悉哩捺麻捺機訶

唐言誦聖妙吉祥真實名

敬禮孺童相妙吉祥

復次吉祥持金剛 難調伏中勝調伏  
勇猛超出三界內 自在金剛密中勝  
眼如白蓮妙端正 面顏圓滿若蓮花  
自手執持勝金剛 時時仰上作拋擲  
復次第現忿等像 亦有無邊持金剛  
勇猛調伏難調者 具威猛相極怖畏  
於金剛大出勝光 自手向上令拋擲  
有大慈悲及智慧 方便益生極殊勝  
具足喜樂安隱心 示有忿怒之形相

於前恭敬伸合掌  
端坐正念而告白  
遍主與我作饒益  
益我慈悲於我故  
如幻網中成究竟  
願我真實復菩提  
有諸煩惱亂其心  
不鮮泥中而沒溺  
為利一切有情類  
令獲無上之果故  
究竟正覺出有壞  
是有情師及導師  
亦大記句達真性  
了知根心殊勝者  
彼出有壞之智身  
是大頂旋言詞主  
亦自智身自超出  
妙吉祥智勇識者

誦彼殊勝真實名

是甚深義廣大義

無比大義勝柔軟

初善中善及後善

過去正覺等已說

於未來中當演說

現在究竟等正覺

六遍數數皆宣說

大幻化網本續中

持大金剛持密呪

如彼無邊諸佛勅

妙音宣暢今當說

世尊究竟正覺等

願成真實持呪故

如我決定未出間

當懃堅固而受持

遠離煩惱令無餘

於諸謬解捨離故

密自在者持金剛  
告白畢已而合掌  
復次釋迦出有壞  
於自面門殊勝古  
顯現三種世界內  
有情皆具三惡趣  
於其清淨梵音中  
為持金剛大力者  
具足有大慈悲者  
具足智身妙吉祥  
向如來前說是言  
以身恭敬坐其前  
究竟正覺兩足尊  
廣長橫遍令舒演  
調伏四魔諸怨敵  
為現清淨微笑相  
遍滿三種世界已  
密自在主而答說  
汝為利益有情故  
誦真實名是大益

能作清淨除罪業

於我精勤應諦聽

善哉吉祥持金剛

手持金剛汝善哉

密主我為此事故

為汝巧妙令宣說

汝今一心應諦聽

唯然未過鏤善哉

復次釋迦出有壞

一切密呪大種性

密呪明呪持種性

於其三種令觀察

世間及出世間性

顯作世間大種性

殊勝廣大手印種

大種大髻應觀察

言詞之主演偈頌

密呪王者具六種

亞阿張依倚引鳥郎引嗟哀引  
阿高引啾啞恁佢合多啾哩合  
佢合哩捺沒隆合佢合囉上啐  
沒多合母怛嘿舛怛囉合咄不  
囉合佢嘿舛奄舛末喇囉合帝  
症折合捺駱舛渴情捺不囉合  
嘿嘿捺咄吟合怛英嘿捺葛合  
也幹引宜說囉阿囉鉢撈捺拽  
訂捺麻  
如是正覺出有壞 究竟正覺啞中出



啞者一切字中勝

是大利益微妙字

諸境之內出無生

即此遠離於言說

是諸說中殊勝因

令顯一切諸言說

大供養者是大欲

一切有情令歡喜

大供養者即大嗔

一切煩惱廣大怨

大供養者是大癡

六愚癡心除愚癡

大供養者即大忿

即是忿恚之冤讎

大供養者大貪欲

一切貪欲皆除斷

大欲即是於大樂

大安樂者大喜足

大明及與大廣大 大中圓者是廣大  
持於廣大智慧器 鈎煩惱鈎大中勝  
普聞妙聞皆廣大 顯中即是廣大顯  
解者執持大幻化 大幻化中成利益  
大幻化內喜中喜 大幻化中施幻術  
大施主中寂為尊 大持戒中持殊勝  
於大忍辱即堅固 以大精進悉棄捨  
以大禪定住靜慮 以大智慧令持身  
具足大力大方便 大願勝智是大海  
大慈自性無量邊 亦是大悲勝智慧